

N. III. 1
18

18,915/B

John Gough



Harry Arnold
Anbarrow.


X

22

DESCRIPTIO GRAVIM
DE
MOTO PENDULORUM
IN
CYCLOIDE
ET DE
MOTU RECTILINEO

AUCTORE
JACOBO COHEN

EXTRA
PUBLISHED BY
J. M. COHEN, 100 N. 3rd St.
PHILADELPHIA



72894/1
√. 76

D E
DESCENSU GRAVIUM.
D E
MOTU PENDULORUM
I N *Honos*
C Y C L O I D E.
E T D E
MOTU PROJECTILIIUM.

A U C T O R E
R O G E R O C O T E S.

C A N T A B R I G I Æ,

Typis excudebant T. FLETCHER & F. HODSON.
Impensis J. NICHOLSON, *Cantab.* Veneunt apud J. RIVINGTON, *Lond.*

MDCCLXX.



A

LIST of the SUBSCRIBERS.

A

MR. Adams, of Caius College
 Mr Allix, of Christ's
 Mr Amyas, of Caius, A. B.
 Mr Atley, of St. John's

B

Mr Barstow, of Emmanuel
 Mr Bateman, of ditto
 Mr Batteley, of St. John's
 Mr Bedford, of ditto
 Mr Belgrave, of ditto, A. B.
 Mr Bewicke, of ditto, A. B.
 Mr Blackburn, of Sidney
 Mr Blackburne, junior, of Peterhouse
 Mr Blakeway, of St. John's
 Mr Bland, of Caius, A. B.
 Mr Brand, of Christ's

Mr Brandish, of Caius College
 Mr Bridges, of Queen's
 Mr Bromley, of St. John's
 Mr Bryer, of ditto
 Mr Buck, of Caius
 Mr Burslem, of St. John's, A. B.

C

Mr Champion, of Trinity Hall
 Mr Chapman, of Jesus, A. B.
 Mr Church, of Sidney
 Mr Cleave, of Corpus Christi
 Mr Clark, of Clare Hall
 Mr Clarkston, of Peterhouse, A. B.
 Mr Cockshutt, of St. John's
 Mr Cooper, of Queen's
 Mr Cooper, of Pembroke Hall
 Mr Crawford, of Queen's
 Mr Crofts, of Caius

D

Mr Dampier, of King's College
 Mr Dealtary, Fellow of Jesus
 Mr Dewshon, of ditto
 Mr Dodwell, of Christ's
 Mr Dove, of Clare Hall, A. B.
 Mr Drewe, of Emmanuel
 Mr Dymoke, of St. John's, A. B.

E

Mr Ellis, jun. of Trinity
 Mr Emonson, of ditto
 Mr Evans, jun. of St. John's
 Mr Eyre, jun. of ditto

F

Mr Farnham, of St. John's
 Mr Field, of Pembroke Hall
 Mr Finch, of Trinity
 Mr Fisher, Fellow of Caius
 Mr Fisher, of Peterhouse, A. B.
 Mr Fisher, of Christ's, A. B.
 Mr Frank, of Trinity, A. B.

G

Mr Gregory, of Jesus
 Mr Grimshaw, of Catherine Hall
 Mr Grimwood, of St. John's

H

Mr Hadfield, of St. John's
 Mr Halls, of ditto
 Mr Hay, of Magdalen
 Mr Healy, of Clare Hall

Mr Heath, of Magdalen College
 Mr Hendry, of Corpus Christi
 Mr Hill, of Catherine Hall, A. B.
 Mr Hodgson, of Queen's, A. B.
 Mr Hodgson, of Clare Hall, A. B.
 Mr Holmes, of St. John's
 Mr Holt, Fellow of Queen's
 Mr Homer, of Emanuel
 Mr Horton, of Queen's
 Mr Hudson, Fellow of Queen's
 Mr Hughes, of St. John's, A. B.
 Mr Humphrey, of Corpus Christi
 Mr Hunt, of Caius

J

Mr Jackson, of St. John's
 Mr Jawett, of Trinity
 Mr Jenkins, of Sidney
 Mr Jobson, of Trinity
 Mr Johnson, of Clare Hall, A. B.
 Mr Jordan, of Queen's

K

Mr Kedington, of Caius

L

Mr Lane, of Queen's
 Mr Laurence, of St. John's
 Mr Law, of Peterhouse
 Mr Layard, of St. John's, A. B.
 Mr Layton, of ditto
 Seym. Leeke, Esq; of Peterhouse
 Mr Lloyd, of Caius, A. B.
 Mr Lovat, of Clare Hall
 Mr Lloyd, of Magdalen

SUBSCRIBERS.

iii

M

Mr Maule, of Christ's College,
A. B.
Mr Morrison, of Trinity
Mr Mountain, of Caius
Mr Murgatroyd, of St. John's

N

Mr Neal, of Caius
A. H. Newcome, Esq; Fellow of
Queen's

O

Mr Outlaw, of Queen's, A. B.

P

Mr Pedley, of St. John's
Mr Pentycrofts, of Pembroke Hall
Mr Pern, of Peterhouse
Mr Pool, of Corpus Christi
Mr Porter, of Jesus
Mr Porter, of Trinity
Mr Prowd, of Jesus, A. B.
Mr Prytman, of Pembroke Hall

R

Mr Radford, of St. John's, A. B.
Mr Raftal, of Peterhouse
Mr Rathbone, of Pembroke Hall,
A. B.
Mr Ray, of Emmanuel
Mr Reid, of St. John's
Mr Robinson, senior, of Trinity,
A. B.
Mr Robinson, junior, of Trinity
Mr Rolle, Fellow-Commoner of
Emmanuel

S

Mr Rose, jun. of Trinity College
Mr Sandiford, of Corpus Christi
Mr Sandiford, of Sidney
Mr Scholes, of St. John's
Mr Smelt, of ditto
Mr Stephenson, of Clare Hall
Mr Sydenham, of Caius, A. B.

T

Mr Taylor, of Magdalen
Mr Taylor, of Pembroke Hall
Mr Topping, of Peterhouse
Mr Trant, of Christ's

V

Mr Vickers, of Trinity

W

Mr Wade, of St. John's
Mr Walker, of Clare Hall
Mr Ward, senior, of St. John's
Mr Ward, of Queen's
Mr Watts, of Caius
Mr Whitcher, of Pembroke Hall
Mr Wilcox, of Clare Hall
Mr Williams, jun. of St. John's
Mr Willis, of Trinity
Mr Wilmot, of Peterhouse
Mr Wilson, of Caius
Mr Wilson, of Clare Hall
Mr Wise, Fellow-Commoner of
Trinity Hall
Mr Whish, of Trinity
Mr Withe, of Caius
Mr Woodburn, of Trinity
Mr Wrigley, of Catherine Hall

ERRATA.

- Pag. 7. lin. 7. pro secundo, lege secundo.
Pag. 22. lin. 19. pro posteriori TK , lege TA .
Pag. 23. lin. 10. pro Cy cloidis, lege Cycloidis.
Pag. 29. lin. 12. pro Theor. V. lege Theor. IV.

D E

DESCENSU GRAVIUM.

L E M M A.

Vis acceleratrix, qua grave corpus per planum quodvis inclinatum oblique descendens urgetur, est ut Elevatio plani illius directe & Longitudo ejusdem inverse.

SIT enim AC Longitudo plani utcunque inclinati ad horizontale planum BC , sitque AB ejusdem plani inclinati Elevatio seu perpendicularis altitudo supra BC . Jam si uniformis & data vis Gravitatis qua corpus recta deorsum tendit, exponatur per AB , & hæc resolvatur in binas vires AD & DB , ducendo BD perpendicularem ad AC : patebit harum solam AD eam esse qua

B corpus

FIG. 1.

6 DE DESCENSU GRAVIUM.

corpus oblique descendens acceleratur, alteram
vero DB per contrariam plani renitentiam om-
nino tolli. Est autem AD ad AB ut AB ad
 AC : adeoque vis acceleratrix ad vim gravitatis
absolutam erit ut AB ad AC . Igitur cum data
sit vis gravitatis; erit vis acceleratrix directe ut
 AB Elevatio plani inclinati & inverse ut AC Lon-
gitududo ejusdem. *Q. E. D.*

*AD:AB::AB:AC
AB:AC::1:AC
because AB is
given that is
= 1
AD x AC = AB
AD = AB / AC*

PROBLEMA.

*Motus rectilinei per æquales impulsus continuo pro-
pagati, in Medio non resistente, affectiones expli-
care.*

IN Motu æquabili si detur Tempus, erit Longi-
tudo spatii peracti ut Velocitas; si detur Velo-
citas, erit Longitudo ut Tempus: adeoque neutro
dato, ut Velocitas & Tempus conjunctim. Com-
mode ergo exponitur per Parallelogrammum rect-
angulum, cujus latera Velocitatem & Tempus rite
retulerint: Nam & hujus quoque ratio è rationi-
bus laterum suorum componitur.

Dividatur

Dividatur jam recta AM in partes qualescun- FIG. 2.
que æquales AB , BC , &c. Temporis partes
æquales referentes, in quarum initiis agat vis
eadem quælibet cunque successive unico suo im-
pulsu; faciatque ut mobile in primo tempore
percurrat Spatium quale est AE rectangulum,
huic æquale CE secundo tempore confecturum
simulque (propter iteratum impulsu) huic aliud
æquale EF ; ita ut totum secundi temporis Spa-
tium BF duplum sit primi AE , totum tertii tem-
poris Spatium CG triplum primi AE , atque ita
deinceps. Velocitates etiam in singulis tempori-
bus eodem modo accrescent. Secunda CF dupla
erit primæ BE , tertia DG tripla ejusdem, &c.
Quod si Spatiorum in temporibus integris AK ,
 AM decurforum exquiratur ratio, erunt hæc inter
se ut areæ angulosæ AKL , AMN ; ultimæque
Velocitates ut rectæ KL , MN .

Augeatur jam numerus & minuatur latitudo FIG. 3.
parallelogrammorum ad infinitum, ut ita actione
continua vis impellentis progrediatur Mobile; &
abibunt Figuræ angulosæ è parallelogrammulis
fuis

8 DE DESCENSU GRAVIUM.

fuis conflatae in Triangula AKL , AMN . Itaque Spatia descripta in Temporibus AK , AM à Mobili æquabiliter accelerato, sunt ut Triangula AKL , AMN , & Velocitates in istis Temporibus ultimo acquisitæ, sunt ut rectæ KL , MN . *Q. E. E.*

Corol. Patet si Vires aliæ atque aliæ idem Mobile eodem modo impellant, Velocitates in Temporibus quibuscunque genitas, esse ut Vires generantes & Tempora in quibus generantur conjunctim.

THEOREMA I.

Longitudo peracta in dato Tempore a gravi e quiete casum inchoante, per quodcunque planum datum, dimidia est ejus quam pari tempore transiret motu æquabili cum Velocitate quam acquisivit ultimo casus momento.

FIG. 3. **V**IS qua urgetur grave continuo impulsu ut per planum quodvis descendat est ubique ut Elevatio plani illius directe & Longitudo ejusdem inverse:

inverſe: hoc per Lemma præmiſſum conſtat. Itaque cum detur planum, dabitur Viſ. Unde (per Solutionem Problematis præcedentis) ſi Tempus deſcenſus exponatur per rectam AK & Velocitas ultimo acquiſita per rectam KL , exponetur Longitudo conſecta per triangulum AKL , dimidium ſcilicet parallelogrammi cujus latera ſunt AK , KL , per quod utique exponitur Longitudo quæ tempore eodem AK deſcribitur à mobili æquabiliter lato cum velocitate ultima KL . Q. E. D.

THEOREMA II.

In dato plano, ratio integra tum temporis a quiete, tum Velocitatis genitæ & ſubduplicata ratio Longitudinis deſcriptæ æquantur.

SUNTO Tempora AK , AM ; Velocitates genitæ KL , MN ; Longitudines percurſæ AKL , AMN , uti ſupra: & patet jam propoſitio ex Elementis. Q. E. D.

FIG. 3.

*nam ſimilia triangula ſunt ut quadrata
laterum Homologorum* THEO-

THEOREMA III.

In planis quibuscunque ratio Longitudinum emensarum componitur ex rationibus Temporum & Velocitatum ultimarum; ratio Temporum ex rationibus Longitudinum directe & Velocitatum inverse; ratio Velocitatum ex rationibus Longitudinum directe & Temporum inverse.

FIG. 3. **E**XPONUNTUR, uti supra, Longitudines, Tempora & Velocitates per triangula eorumque latera bina circa datum angulum posita: constat itaque propositio ex Elementis. *Q. E. D.*

Corol. 1. Si detur Longitudo,* reciprocatur ratio Temporis & Velocitatis; & vice versa.†

Corol.

* Sit L Longitudo percurfa, T Tempus, & V Velocitas; tum (per Theorema III.) $L = T \times V$, adeoque $T = \frac{L}{V}$; Longitudine igitur datâ, id est, $L = 1$, $T = \frac{1}{V}$.

† Si Tempus sit reciproce ut Velocitas, dabitur Longitudo: quoniam enim $T = \frac{1}{V}$, $T \times V = 1$. Sed $T \times V = L$ (per Theorema III.): adeoque $L = 1$, id est, dabitur.

Corol. 2. Si detur Tempus, erit Longitudo ut Velocitas; & vice versa.

Corol. 3. Si detur Velocitas, erit Longitudo ut Tempus; & vice versa.

THEOREMA IV.

In planis quibuscunque Velocitates ultimo genitæ sunt in ratione subduplicata Elevationum: Ratioque Temporum componitur ex ratione simplici Longitudinum directe & ex ratione subduplicata Elevationum inverse.

PER Corollarium Problematis præcedentis, Velocitas ultimo genita est ut Vis eam generans & ut Tempus in quo generatur conjunctim, hoc est (per Lemma præmissum) in ratione composita Elevationis plani directe, Longitudinis ejusdem inverse, & Temporis directe. Erit itaque Velocitas (per Theorema III.) ut Elevatio plani directe utque ipsa Velocitas inverse; atque adeo in ratione subduplicata Elevationis.† Q. E. D.

Tempus

† Vide not. p. 17.

$$\begin{aligned}
 V &= L \times T \\
 L &= \frac{L}{T} \quad \& \text{ the } T = \frac{L}{V} = \frac{L}{V} \\
 \& \text{ since } V &= \frac{L}{T^2} \text{ the } V^2 = \frac{L}{T^2} \text{ or } V = \sqrt{\frac{L}{T^2}}
 \end{aligned}$$

Tempus autem, cum fit per Theorema III. ut Longitudo percurfa directe & Velocitas inverfe; rationem habebit compofitam ex ratione fimplici Longitudinis directe & ex ratione fubduplicata Elevationis inverfe. § Q. E. D.

Corol. 1. Si detur Longitudo percurfa; Tempus defcenfus erit reciproce in ratione fubduplicata Elevationis; & vice verfa.

Corol. 2. Si detur Elevatio; dabitur Velocitas, eritque Tempus directe ut Longitudo plani; & vice verfa.

Corol. 3. Si detur Tempus; Longitudo plani percurfi erit in fubduplicata ratione Elevationis ejufdem, & Velocitas erit ut Longitudo; & vice verfa.

FIG. 4. Inde in Circulo, fi diameter quævis ad horizontem ftatuatur normalis, erunt Tempora defcenfus per Chordas quilibet ab extremitate hujus ductas

§ Vide not. p. 17.

ductas æqualia,* & Velocitates ultimæ erunt ut ipsæ Chordæ:† sunt enim Chordarum longitudines ad invicem in subduplicata ratione suarum elevationum.

T H E O R E M A V.

Si ex altitudine eadem descendat mobile continuato motu per quotlibet ac quælibet plana contigua, ut-cunque inclinata; semper eandem in fine velocitatem acquirat, quæ nimirum æqualis erit ei quam acquireret cadendo perpendiculariter ex pari altitudine.

Hugenii Demonstratio.

SINT plana contigua AB , BC , CD ; quorum terminus A , supra horizontalem lineam DF per infimum terminum D ductam, altitudinem habeat

* $T = \frac{L}{\sqrt{E}}$ (per Theorema IV.), ubi E ponitur pro Elevatione: si igitur descendat Corpus per DA , $T = \frac{DA}{\sqrt{DA}} = \sqrt{DA}$; in hoc enim casu

D

$L=E$.

14 DE DESCENSU GRAVIUM.

habeat quanta est perpendicularis EF : descendatque mobile per plana illa ab A usque in D . Dico in D eam velocitatem habiturum quam, ex E cadens, haberet in F .

FIG. 5. Producta enim CB occurrat rectæ AE in G . Itemque DC producta occurrat eidem AE in E . Quoniam itaque per AB descendens eandem acquirit

$L=E$. Si descendat per CA , $T = \frac{CA}{\sqrt{EA}}$; sed per 8. prop. 6. Ele.)

$EA : CA :: CA : DA$; ergo $EA \times DA = \overline{CA}^2$, ergo $DA = \frac{\overline{CA}^2}{EA}$; ergo $\sqrt{DA} = \frac{CA}{\sqrt{EA}}$: tempora igitur descensus per DA & CA

æquantur. Eodem modo demonstrari potest, tempora descensus per omnes chordas eA , &c. æqualia esse tempori descensus per DA ; adeoque æqualia inter se.

‡ Velocitas corporis acquisita cadendo per $CA = \sqrt{EA}$, (per Theorema IV.); sed per 8. 6. Ele. $EA : CA :: CA : DA$; ergo

$EA \times DA = \overline{CA}^2$ igitur $EA = \frac{\overline{CA}^2}{DA}$; sed dati circuli diameter, data

est quantitas, ergo $EA = \overline{CA}^2$; adeoque $\sqrt{EA} = CA$ adeoque Velocitas acquisita cadendo per CA , est ut CA . Eodem modo demonstratur, quod Velocitates acquisitæ cadendo per ullas chordas sunt ut Chordarum Longitudines.

DE DESCENSU GRAVIUM. 15

acquirat velocitatem in termino B , atque descendens per GB (per Cor. 2. IV.); manifestum est, cum flexus ad B nihil obflare motui ponatur, tantam velocitatem habiturum ubi in C pervenerit, quantam si per GC planum descendisset; hoc est, quantam haberet ex descensu per EC . Quare & reliquum planum CD eodem modo transibit ac si per EC advenisset, ac proinde in D denique parem velocitatem habebit, ac si descendisset per planum ED , hoc est, eandem quam ex casu perpendiculari per EF . $Q. E. D.$

Corol. Hinc liquet etiam per Circuli circumferentiam vel per Curvam quamlibet lineam descendente mobili (nam curvas tanquam ex infinitis rectis compositæ essent hic considerare licet) semper eandem illi velocitatem acquiri si ab æquali altitudine descenderit: tantamque eam esse velocitatem, quantam casu perpendiculari ex eadem altitudine adipisceretur.

THEO-

THEOREMA VI.

Si detur planorum quotlibet contiguorum Inclinatio atque ratio Longitudinum eorundem ad invicem; erit Tempus quo totum systema planorum continuato motu percurritur in subduplicata ratione Longitudinis systematis totius.

MANENTE constructione priori, constat ex Theoremate II. Tempus descensus per AB esse in subduplicata ratione Longitudinis AB . Tempus item descensus tum per GB tum per GC est in eadem subduplicata ratione Longitudinis AB . Tempus enim descensus per GB est in subduplicata ratione Longitudinis GB , adeoque propter datam rationem GB ad AB , in subduplicata ratione Longitudinis AB : similiterque Tempus descensus per GC est etiam in eadem ratione: & divisim Tempus descensus per BC post GB vel AB est in eadem ratione. Igitur componendo, Tempus descensus per AB & BC est adhuc in eadem ratione; & similiter Tempus descensus

scensus per quotlibet AB , BC , CD est in eadem ratione, hoc est, in subduplicata ratione Longitudinis AB vel Longitudinum $AB + BC + CD$: sunt enim omnes ad invicem in datis rationibus per Hypothesin. *Q. E. D.*

Corol. Hinc liquet similes partes Curvarum similium similiterque positarum ad Horizontem describi à mobili descendente in Temporibus quæ sunt in subduplicata ratione partium descriptarum.

Unde si Pendula in Circulis oscillantur, erunt Tempora quibus oscillationes similes peragunt, in subduplicata ratione Longitudinum Filorum.

DE

‡ Sit A vis acceleratrix; tum $V = A \times T$ (per Corol. Problematis præcedentis); sed (per Lemma præmissum) $A = \frac{E}{L}$, et $T = \frac{L}{V}$ (per Theorema III.); adeoque $V = A \times T = \frac{E}{L} \times \frac{L}{V} = \frac{E}{V}$; adeoque $V^2 = E$; adeoque $V = \sqrt{E}$. *Q. E. D.*

§ $T = \frac{L}{V}$ (per Theorema III.): sed $V = \sqrt{E}$ (per primam partem hujusce Theorematis); adeoque substituendo $T = \frac{L}{\sqrt{E}}$. *Q. E. D.*

E

D E
MOTU PENDULORUM
I N
C Y C L O I D E.

D E F I N I T I O.

FIG. 6. **S**I Circulus CDH qui tangit AB rectam in puncto D , more rotarum provolvatur super eadem, & circuitum integrum progrediendo conficiat: punctum C , quod situm in ejus circumferentia sub initio tangebatur rectam AB in puncto A , motu suo ex rectilineo & circulari composito describet curvam illam lineam $ACEB$ quæ Cyclois

clois appellatur. Recta vero AB dicitur basis, & huic ad medium ejus punctum F perpendicularis EF , axis, punctum vero E vertex Cycloidis; Circulus autem CDH vel huic æqualis in alio situ GFE vocatur Circulus genitor.

L E M M A I.

Si circa Cycloidis axem EKF describatur Circulus genitor EGF , & a curvæ puncto quovis C ducatur CIK parallela basi AB , & secans Circulum in G : erit arcus Circularis EG æqualis rectæ CG .

PATET ex Definitione totam Circuli circumferentiam æquari rectæ AB atque adeo dimidiam circumferentiam EGF æquari dimidiæ rectæ AB , nempe ipsi AF ; Patet etiam Circuli æqualis CDH , diametro DIH descripti, arcum CD æquari rectæ AD ; adeoque arcus EG æqualis erit rectæ DF vel IK vel CG . *Q. E. D.*

L E M M A.

L E M M A II.

Isdem positis, dico chordam EG parallelam esse rectæ tangenti Cycloidem in puncto C .

PATET ex generatione Cycloidis, chordam CD perpendicularem esse ad Curvam in puncto C ; itaque chorda HC tanget eandem: est autem EG chorda parallela chordæ HC . *Q. E. D.*

L E M M A III.

Manente Circulo genitore circa axem descripto, si a Curvæ puncto quovis L ducatur LMK parallela basi BA quæ abscindat circularem arcum EM cujus chorda sit EM recta: dico Cycloidis arcum EL æqualem esse duplæ chordæ EM .

DUCATUR enim recta SQ parallela & quam proxima rectæ LK secans axem in Q , circum in R , chordam EM productam in P , & Cycloidem

Cycloidem in S . Junge ER & demitte RO perpendiculararem ad EMO . Tangant denique Circulum in E & M rectæ EN , MN . Propter similia triangula ENM , PRM , & æquales EN , NM , æquales etiam erunt PR , RM . Itaque lineola MP five LS dupla erit lineolæ MO . Sunt autem LS & MO incrementa momentanea synchrona arcus Cycloidis EL & chordæ EM : crevit itaque arcus EL duplo semper velocius quam chorda EM . Is ergo hujus duplus est. $Q. E. D.$

P R O B L E M A.

Facere ut Corpus pendulum oscilletur in Cycloide data.

DETUR Cyclois AVB super basi AB descripta; producat axis ejus VD ad C ut æquales evadant DC , DV ; per C age ECF parallelam basi AB ; cape CE , CF æqualem utramque dimidiæ basi; describantur à puncto C super CE , CF duæ semicycloides CA , CB æquales dimidiæ datæ Cycloidi, quarum vertices tangant basim AB in punctis A , B . A puncto illo C filo CTP , longitudinem

FIG. 7.

F

gitudinem

gitudinem CV æquante, pendeat corpus P & ita intra semicycloides oscilletur, ut quoties pendulum digreditur à perpendiculo CV filum, parte sui superiore CT , applicetur ad semicycloidem illam CTA versus quam peragitur motus & circum eam ceu obstaculum flectatur, parteque reliqua TP cui semicyclois nondum objicitur, protendatur in lineam rectam; & pondus P oscillabitur in Cycloide data AVB . *Q. E. F.*

Describantur enim semicirculi genitores AGE , DHV super axibus AE , DV . Age TG , PH parallelas basi AB , & iunge AG , DH .

Semicyclois AC æqualis est duplæ rectæ AE , per Lem. III. atque adeo æqualis rectæ CV vel filo integro CTP : itaque arcus Cycloidis TA æqualis erit parti liberæ fili TP quæ Cycloidem in T tangit. Unde cum GA parallela fit tangenti TK (per Lem. II.) eique adeo æqualis, & dupla GA vel dupla TK æqualis sit arcui T ~~*~~ vel rectæ TP , per Lem. III. erunt æquales TK & KP , & parallelæ TG , PH æquali intervallo distabunt a basi AB . Abscindunt ergo semicirculorum generantium

rantium æquales arcus GA & HD ; unde parallelæ sunt chordæ AG , DH , ac proinde KP , DH ; & quadrilaterum $DHPK$ est parallelogrammum & æquales sunt DK & HP . Itaque cum AK recta sit æqualis GT rectæ vel (per Lem. I.) arcui AG vel arcui DH ; erit HP vel DK æqualis arcui reliquo VH , adeoque pondus P erit in Cycloide data AVB , per Lemma I. Q. E. D.

THEOREMA I.

Si Axis Cycloidis DV constituatur ad horizontem perpendicularis, vertice V deorsum spectante, & mobile incipiat a puncto quovis Cycloidis L oscillari versus verticem V : erit velocitas ejus in loco quovis M ut $\sqrt{VLq - VMq}$; vel si in rectam protendatur curva $VNML$ fiatque radius Circuli LZP , erit velocitas in loco M ut sinus MX qui huic radio ad M punctum perpendiculariter insistit.

AD Axem $DRSV$ demittantur perpendiculares LR , MS semicirculo genitori $DOQV$ occurrentes in O , Q , & jungantur OV , QV .

Oscillantis

Oscillantis Velocitas in loco M æqualis est velocitati corporis cujufvis cadentis ab R ad S , per Theor. V. de Desc. Grav. Est autem hæc velocitas (per Theor. II. de Desc. Grav.) in subduplicata ratione Longitudinis RS vel $RV - SV$ vel quantitatis $RV \times VD - SV \times VD$ vel $VOq - VQq$ vel $VLq - VMq$, per Lem. III. vel in ratione integra finus MX , per Constructionem. *Q. E. D.*

T H E O R E M A II.

Iisdem positis, dico Circuli arcum quemlibet XxY sinubus MX , NY interjectum, eodem tempore describi cum velocitate maxima VZ ad verticem Cycloidis acquisita, quo a Pendulo dimisso ab L percurritur arcus MN respondens rectæ MmN , quæ interjicitur iisdem sinubus. Eritque adeo tempus quo percurritur arcus ille MN ut Circuli arcus XY .

NAM ductus intelligatur sinus mr æ finui MX vicinissimus & parallela sit lineola Xr lineolæ Mm .

Constat

Constat ex Theoremate præcedente lineolam Mm describi cum velocitate quæ est ut MX & lineolam Xx cum velocitate quæ est ut VZ . Sed propter similia triangula MXV , rXx , est Xx ad Xr vel Mm , ut VX vel VZ ad MX . Sunt igitur Xx & Mm ad invicem ut velocitates quibuscum describuntur. Æquali itaque tempore describuntur; ac pari ratione cæteræ partes correspondentes. Unde totus arcus Cycloidalis MN & Circularis XY æquali tempore describuntur. Est autem tempus quo describitur MN , vel quo describitur XY cum data velocitate VZ ut ipse arcus XY . *Q. E. D.*

THEOREMA III.

Tempus quo peragitur Oscillatio quævis in data Cycloide, est ad tempus descensus Gravis per axem Cycloidis, ut Circuli peripheria ad ejusdem diametrum; atque adeo Oscillationes omnes sunt Isochronæ.

TEMPUS quo describitur semiperipheria LZP cum velocitate maxima VZ est ad tempus
G
quo

26 DE MOTU PENDULORUM

quo describitur semidiameter LV cum eadem velocitate VZ ut Circuli peripheria ad ejusdem diametrum. Est autem tempus prius idem atque tempus oscillationis integræ $LV P$, per Theorema II. Tempus vero posterius idem est atque tempus descensus Gravis per Cycloidis axem DV : nam quo tempore semidiameter LV vel arcus LV vel dupla chorda OV percurritur cum velocitate maxima acquisita ad verticem V five a pendulo oscillante per arcum LV five a Gravi decedente per chordam OV ; eodem cadit Gravis ab O ad V (per Th. I. de Desc. Grav.) vel a D ad V , per Cor. 3. Theor. IV. de Desc. Gravium. Itaque tempus oscillationis est ad tempus descensus Gravis per axem Cycloidis ut Circuli peripheria ad ejusdem diametrum. *Q. E. D.*

Corol. 1. Si corpora duo filis æqualibus suspensa, temporibus æqualibus oscillationes suas peragant; in descensu rectilineo æquabiliter accelerabuntur: & propterea Pondera eorum erunt ut Quantitates Materiæ.

Corol.

Corol. 2. Spatium quod a gravi e quiete dimisso, tempore quovis percurritur, est ad semissem longitudinis fili, quo idem grave suspensum eodem tempore oscillationes singulas peragit; in duplicata ratione circuli peripheriæ ad diametrum. Cadat enim grave per fili longitudinem dimidiatam; & tempus descensus erit ad tempus unius oscillationis, ut circuli diameter ad peripheriam: augeatur jam tempus in hac ratione ut æquale fiat tempori oscillationis; & spatium descriptum augebitur in duplicata illa ratione.

T H E O R E M A . IV.

Tempus quo peragitur Oscillatio quævis in Cycloide, ubi tum fili longitudo tum vis gravitatis variatur, est in subduplicata ratione longitudinis istius directe & vis gravitatis inverse.

TEMPUS Oscillationis est ut tempus descensus per Axem per Theor. III. atque hoc tempus est in subduplicata ratione axis vel dupli axis vel fili

28 DE MOTU PENDULORUM

fili longitudinis directe, & in subduplicata ratione vis gravitatis inverse. Nam si detur vis, longitudo descensus erit ut quadratum temporis; & si detur tempus, longitudo erit ut velocitas ac proinde ut vis: adeoque neutro dato, ut quadratum temporis & ut vis conjunctim. Unde tempus erit in subduplicata ratione longitudinis directe & vis inverse.
Q. E. D.

Corol. Longitudo fili, quæ per hanc demonstrationem erat ut vis gravitatis & quadratum temporis simul; dato tempore erit ut vis illa simpliciter.

S C H O L I U M.

Patet vires acceleratrices esse ut velocitatum mutationes dato tempore quam minimo genitas. Erit itaque vis acceleratrix in loco M ut lineola $r x$, dato arcu minimo $X x$, hoc est ut longitudo \sqrt{M} . Et vicissim, si vis acceleratrix sit ut \sqrt{M} & motus continuetur ab L versus V ; erit velocitas in loco quovis M ut finis $M X$, tempusque transeundi ab M ad N erit ut arcus $X Y$.

Quæcunque

Quæcunque in præcedentibus de oscillationibus in Cycloide dicta sunt, etiam de oscillationibus minimis in Circulo pariter obtinebunt: nam istiusmodi oscillationes utrobique eædem erunt. Quin & hoc fortasse non est prætereundum; nempe corporis funipenduli in dato circulo utcunque oscillantis velocitatem ad punctum infimum esse ut chorda arcus toto descensu descripti. Nam per Corol. Theor. V. de Desc. Grav. velocitas illa eadem erit five per arcum five per chordam descenderetur, & proinde erit ut chorda per Corol. 3. Theor. IV. de Desc. Grav.

DE

H

D E

MOTU PROJECTILIIUM.

T H E O R E M A.

Curva descripta motu corporis oblique projecti est Parabola: & Velocitas Projectilis in quolibet puncto parabolæ ea est quam grave cadendo acquirere potest & casu suo describendo quartam Parametri partem pertinentis ad punctum illud datum pro Vertice sumptum.

FIG. 8. **E**XEAT Projectile de loco *A* secundum rectam *AE*, & sit *ACD* curva descripta. Ponatur *AE* longitudo quam dato quovis tempore Projectile transfret motu æquabili orto ex vi impressa si nulla esset gravitas: atque *AB* alia longitudo.

tudo quam grave eodem tempore transfret descen-
dendo ab A versus centrum Telluris. Completo
parallelogrammo $EABC$, facile patebit projectile
motu composito latum in fine ejusdem temporis
perventurum esse ad punctum C . Est autem AE
ut tempus quo describeretur; adeoque Aeq vel
 BCq ut temporis quadratum. Est etiam AB ut
quadratum ejusdem temporis per Theor. II. de
Desc. Grav. Igitur Aeq vel BCq est ut AB .
Proinde curvæ descriptæ puncta C sita sunt in Pa-
rabola cujus Diameter est AB , Vertex A & Para-
meter ad hunc verticem pertinens est $\frac{BCq}{AB}$ vel
 $\frac{AEq}{EC}$.

Projectilis in puncto quovis A ea est Velocitas
qua longitudo AE eodem tempore describi posset
quo grave descenderet ab E ad C . Velocitas autem
hoc descensu acquisita, est ad velocitatem illam
qua longitudo AE eodem tempore describi posset,
ut EC ad $\frac{1}{2} AE$ per Theor. I. de Desc. Gravium.
Eademque velocitas acquisita in C cadendo ab E ,
est ad velocitatem acquirendam cadendo per quar-
tam

tam partem Parametri nempe $\frac{\frac{1}{2} A E q}{E C}$, in subduplicata ratione longitudinis $E C$ ad longitudinem $\frac{\frac{1}{2} A E q}{E C}$ (per Theor. II. de Desc. Grav.) vel in ratione integra ipsius $E C$ ad $\frac{1}{2} A E$. Itaque Projectilis velocitas in puncto A ea est quam grave acquirere potest descendendo per quartam Parametri partem pertinentis ad Verticem A . *Q. E. D.*

Corol. 1. Si projectile dirigatur secundum $A E$ & parabolæ describendæ parameter pertinens ad Verticem A sit æqualis quantitati $\frac{A E q}{E C}$; isthæc parabola transibit per punctum C .

Corol. 2. In eadem vel in diversis parabolis Parametri pertinentes ad quoslibet Vertices sunt ad invicem in duplicata ratione Velocitatum quibus feruntur Projectilia in istis verticibus, per Theor. II. de Desc. Grav.

Corol.

Corol. 3. Itaque in quibusvis Parabolis ubicunque locorum æquales fuerint impetus seu motus ejusdem Projectilis vel æquales velocitates diversorum Projectilium, ibi semper æquales erunt Parameter; & vice versa: utcunque diversa fuerit directio motus in istis locis.

P R O B L E M A.

Data Velocitate qua de loco dato Projectile dirigendum est dataque positione Scopi ferendi: invenire Directiones vis imprimendæ.

DATA Velocitate dabitur Parameter Parabolæ describendæ. Constat enim per Theorema, si grave eousque descendat dum data illa velocitas cadendo fuerit acquisita: Altitudinem isto descensu percursum fore æqualem quartæ parti parameter.

Esto jam C scopus, positus in data recta AC .
In loco A , de quo projectile dirigendum est, erige
I
 A

34 DE MOTU PROJECTILIIUM.

AP normalem ad Horizontem & æqualem Parametro inventæ. Dividat hanc perpendiculariter & bifariam in G recta KH , cui in K occurrat recta AK ad ipsam AC perpendicularis, centroque K & intervallo KA describatur circulus AHP . Denique per scopum C ad horizontalem AB normalis ducatur $BCEI$ circumulum secans (si fieri potest) in E & I : erunt AE & AI directiones quæsitæ. *Q. E. I.*

FIG. 9. Nam, si jungantur PE , PI , propter similia triangula PAE , AEC erit PA æqualis $\frac{AEq}{EC}$. Itemque propter similia triangula PAI , AIC erit eadem PA æqualis $\frac{AIq}{IC}$. Igitur, cum fit PA parabolæ describendæ parameter pertinens ad punctum A , constat per Cor. 1. Theorematis, parabolam istam transituram esse per scopum C . *Q. E. D.*

Corol. 1. Patet rectam AH bifecare Angulum CAP mensuram visibilis distantiae inter Scopum & Zenith.

Corol.

Corol. 2. Ubi puncta $E I$ concurrunt in H , five directiones binæ $A E$, $A I$, concurrunt in unam $A H$, Scopi distantia $A C$ evadet maxima $A \times$ quæ velocitate illa data transiri potest.

Corol. 3. Binæ quælibet directiones $A E$, $A I$, quarum utraque idem Scopus feriri potest, æqualiter distant à directione illa $A H$, hoc est, anguli $E A H$, $I A H$ sunt æquales.

Corol. 4. Scopi distantia $A C$ vel $A B$ posita in linea Horizontali, est ut sinus dupli anguli Elevationis $E A C$ vel $I A C$. Nam si recta $C E I$ occurrat rectæ $G H$ in F , erit $A C$ vel $G F$ æqualis sinui arcus $A E$ vel $A I$, qui metitur duplum angulum $E A C$ vel $I A C$.

Corol. 5. Maxima autem Scopi distantia $A \times$ posita in linea Horizontali adæquat $A G$ semissem Parametri, adeoque datur: Et Scopus iste \times attingi potest existente angulo Elevationis $H A \times$ semirecto.

Corol.

FIG. 10. *Corol. 6.* Si Projectile emittatur secundum AE , puncti altissimi parabolæ describendæ Altitudo supra Horizontem adæquabit $\frac{1}{4} EC$. Nam si AC bifecetur in T & ducatur TR parallela ad CE fecansque AE in R : erit AC ordinata ad parabolæ axem TR quem vertex ejus principalis bifariam dividet in V . Itaque Altitudo TV est æqualis $\frac{1}{2} TR$ vel $\frac{1}{4} CE$. Cum vero CE sit sinus versus arcus AE , five dupli anguli CAE , patet projectilis Altitudinem TV esse ut Sinus versus dupli anguli Elevationis.

Corol. 7. Altitudo autem maxima projectilis emissi secundum AP normalem ad Horizontem adæquabit $\frac{1}{4}$ parametri AP ; adeoque datur. Nam in hoc casu coincidentibus AE , EC cum directione AP , altitudo illa TV vel $\frac{1}{4} CE$ jam evadet $\frac{1}{4} AP$.

Corol. 8. Tempus quo projectile emissum secundum AE feretur ab A ad C est ut Chorda AE vel ut $\frac{1}{2} AE$, hoc est, ut sinus anguli elevationis EAC .

Corol.

Corol. 9. Tempus autem maximum projectili emisso secundum AP , normalem ad Horizontem, idem est quo grave descendet à P ad A per totam parametrum, adeoque datur. Nam in hoc casu Projectile recta ascendit ad altitudinem $\frac{1}{2} AP$, deinde vero ab eadem altitudine descendit. Tempora vero ascensus & descensus simul sumpta efficiunt duplum tempus solius descensus vel tempus descensus ab altitudine quadrupla, per Theor. II. de Descensu Gravium.

F I N I S.

In the Press,

And speedily will be published by Subscription,











Dr. M O R G A N's

SIX DISSERTATIONS,

Published by Dr. C L A R K E,

IN HIS

NOTES upon ROHAULT's PHYSICS.



*RO:OO:OO:OD
RO+OD=OO*

